

## 1. 【岔東岔西】徐汎平原作

記得讀小學該下，日日斯摻搗伴仔共下行路去讀書。無到半點鐘个路程，細人仔咩！哪有好認分乖乖行？總會搵兜齣事來搞。摘花草、捉蟲蛎，這還毋算數。大路町車仔駛上駛下，佢兜斯會看準車影，等佢一過斯跳啊起！麼人係踏著抑係徑著影仔斯算輸，愛分贏个人掬額頭。

放學該下，除忒逛落雜貨店買冰食，幾個人還會湊等去行細路仔、行田塍，堵著路口斯轉彎、過轉彎，三十分鐘个路，硬硬行忒歸點鐘正轉到屋。大人講：「哼！拈囊蛎、打草蛎，岔東岔西，愛行毋行樣！」佢有行啊！行較久定定。

到大咧，不管去到哪隻新城市生活抑遶寮，佢本本當好大街、細路、小巷，滿哪串上串下去探路、看風景。當記得有一擺，自家一儕坐巴士去九份寮，逛過金瓜石黃金博物館，又蹶上長長个碇仔去看神社个遺跡。九份該當有名个老街鬧熱煎煎，一踏啊落斯人尖人、極上極下。總算對街尾鑽出來咧！心肝肚一息斯無想再過對原路躡<sup>1</sup>轉去！

<sup>1</sup> 躡：音 liung<sup>ˇ</sup>；竄、鑽。

這時節，堵好看著某某步道个牌仔，該無就來去行看啊好咧！斯躑等碇仔上。無想著，一行起勢，嘎行落山肚去咧。除忒最頭先看著一個像仙人樣个老阿伯仔、較過兜仔堵著一細陣人，歸隻山林斯伸著蟲叫、鳥聲摻微風，還有自家个故氣聲。一下溜崎、一下上崎，遠遠有一細搭頭擺人留下來个屋跡，看著有兜仔淒涼。頓腳下來，臥頭看天，日頭轉影咧，這……算來愛行去哪呢？摸等啞啞跳个心肝，到這下正感覺著：「哎哟！膽大大<sup>2</sup>哦！」好得，轉一隻彎，堵著山林肚个細伯公廟，打幫伯公指路，過無幾久，斯行到另外一頭个登山口咧。

出啊來，幹轉頭詳細看告示牌，正知講這條山路安到「小粗坑古道」！旨落山个日頭，摻猴硯國小面前、基隆河兩片脣个沙蔗花<sup>3</sup>晟到金若若仔。佢就在這燒暖个冬下頭，踏上像用金仔鋪設个大路，一路行到猴硯火車頭。過後，又躑等「貓村」个貓仔遊遊野野一站仔，正甘願坐車轉屋。

哼！岔東岔西，毋行斯毋行，一行嘎害人心驚！十年前个慧膽<sup>4</sup>，這下斯毋敢咧！



<sup>2</sup> 膽大大：音 dam<sup>ˊ</sup> tai<sup>+</sup> tai<sup>+</sup>；膽子要大一點。

<sup>3</sup> 沙蔗花：音 sa<sup>ˋ</sup> zha<sup>ˋ</sup> fa<sup>ˋ</sup>；甜根子草花。

<sup>4</sup> 慧膽：音 ngong<sup>ˇ</sup> dam<sup>ˊ</sup>；因為無知、不作多想而有的勇氣。

### 3. 【坐米籬沾屎脰】徐姿華原作

頭擺，阿爸在河壩埔有一埕地，種枇杷膠鴨哥桃，還有幾下個莊肚个阿叔、阿伯也在該種兜楊桃、葡萄、李仔這兜。

河壩个枇杷園較平洋，好做事，毋過，愛去河壩園還有一隻挑戰，斯係愛坐流籠<sup>1</sup>過河壩；河壩水又大又急，有三、四十公尺闊，這兜阿叔、阿伯也識探<sup>2</sup>過幾下擺竹笕橋，毋使幾久橋斯會分水打走。高不將，大家出錢出力拉一條鋼索做流籠，正起勢係用大米籬絹麻索，再過秦鐵線圈做流籠，還愛用人出力拉，背尾，正改用電動个白鐵籃流籠。

第一擺坐流籠又驚又好，阿爸先溜過河壩埔該向，阿姆膠流籠拉轉來，揪核索仔喊俵落米籬肚坐好，再過膠做事愛用著个傢啦伙、水膠飯包，做下放落米籬肚，斯膠阿爸攞手，順勢膠米籬搵出去。該流籠溜當遠，一下斯溜到河壩中央，俵著驚一下，噉到大嫲牯聲，阿爸續等出力擲，膠俵擲到佢个身邊。等嚇到面壠青个俵踏出米籬，又膠東西拿掣了後，換阿爸膠阿姆攞手，阿姆

<sup>1</sup> 流籠：音 liu long；一種以滑輪和纜繩或鋼纜為主要構件，可橫越河川或山谷等地形的運輸工具。

<sup>2</sup> 探：音 tam+；架設、搭建。

膠流籠拉轉去，正坐落流籠膠阿爸兩片向搵拉，當遽斯過河壩咧。

萬事起頭難，有經驗了後，俵个膽斯較在咧，曉得享受坐流籠个趣味咧！該咻一聲，斯溜到一、二十公尺遠个刺激，可比這下个雲霄飛車。去河壩園搵手，有好坐兩輪<sup>3</sup>流籠，這係分俵最好个獎勵。

熱天个下晝頭，輒輒會打風時，水若係較早落，俵兜斯歇睏一下等水停正過做，若係水較暗正落，阿爸斯會放工轉早夜。有一擺，四點空落大水，阿爸看做毋成事咧，斯喊大家收收仔，愛轉咧！

去到流籠前，堵著孩等葡萄个阿平叔，地泥下還放等一擔，佢本成按算自家拉四輪流籠，膠葡萄載轉屋下，熱心个阿爸斯膠佢搵手，一儕膠一籠葡萄共下坐過河壩。水緊落，河壩水緊漲起來，大人企在大米籬肚緊拉索仔過河壩；換俵愛過河壩咧，阿姆喊俵愛坐好。到河壩中央，水嘎浸著米籬底，俵个屎脰一下仔斯沾著該冰冰涼涼个河壩水。看等該黃貢貢个大浪拋等來，實在還得人驚，俵忍等毋敢噉，當無簡單正耐到岸脣。

這下想起該坐米籬沾屎脰个事情，又好笑又心酸。阿姆講該兩時，等在流籠前个佢，也驚俵分水打走，硬硬嚇到啟忒一層皮咧！

<sup>3</sup> 輪：音 lin；量詞，次。

